



Bosnia and Herzegovina  
Federation of Bosnia and Herzegovina

**CANTON SARAJEVO**  
Ministry of Physical Planning Construction and  
Environmental Protection

Broj: 05/01-04-12553-41/20 RA  
Sarajevo, 16.06.2020. godine

## SKUPŠTINA KANTONA SARAJEVO

- o v d j e -

n/r Mirza Čelik, predsjedavajući


**PREDMET:** Dostava odgovora na zastupničko pitanje - zastupnica Neira Dizdarević

Zastupnica u Skupštini Kantona Sarajevo Neira Dizdarević, na 25. Radnoj sjednici Skupštine Kantona Sarajevo, održanoj 18.05.2020. godine, u okviru tačke Dnevnog reda "Poslanička/zastupnička pitanja, inicijative i odgovori" u skladu sa Poslovnikom Skupštine Kantona Sarajevo, postavila je zastupničko pitanje, kako slijedi:

*"U aktu broj 05/01-05-38844-109/19 RA od 27.12.2019. godine u odgovoru vezano za inicijativu za ugradnju solarnih panela na krovu Elektrotehničke škole za energetiku u Sarajevu čijom bi se ugradnjom napravili prvi koraci u korištenju obnovljivih izvora energije javnih ustanova u Kantonu Sarajevo, a učenici dobili priliku za obrazovanje na vlastitom sistemu, obavijestili ste me da ste kontaktirali UNDP, te da je UNDP iskazao spremnost da angažuje inženjera koji bi provjerio isplativost takvog projekta, te ukoliko se isti pokaže opravdanim, istovremeno predložio mogućnost sufinansiranja ugradnje solarnih panela u iznosu do 50.000 KM. Preostali dio iznosa ukupno procijenjene vrijednosti projekta bi se trebao osigurati iz Budžeta Kantona Sarajevo. Molim da me obavijestite o realizaciji gore pomenute inicijative."*

### ODGOVOR:


U proteklom periodu Ministarstvo prostornog uređenja, građenja i zaštite okoliša održalo je nekoliko sastanaka sa UNDP-ijem po pitanju odabira javnih objekata na kojima je u tekućoj godini, a shodno raspoloživim sredstvima, planirano provođenje mjera povećanja energijske efikasnosti u okviru Projekta "Zeleni ekonomski razvoj". Tom prilikom UNDP-i je obavijestio Ministarstvo da bi se u kontekstu navedenog projekta, a nakon urađene detaljne tehno-ekonomske analize, mogla izvršiti ugradnja solarnih panela na objektu Elektrotehničke škole za energetiku u procijenjenoj vrijednosti od 60.000,00 KM, što bi se pokazalo značajnim i opravdanim u funkciji postizanja dodatnih ušteda kroz korištenje obnovljivih izvora energije (što indirektno utiče i na unaprijeđenje kvaliteta zraka u Kantonu). Pored navedenog, instalacija jednog sistema ovog tipa će unaprijediti i održavanje praktične nastave u predmetnoj školi.



U kontekstu prethodno navedenog, UNDP-i (sa kojim provodimo Projekat "Zeleni ekonomski razvoj" od 2015. godine) je iskazao spremnost za sufinansiranje ugradnje solarnih panela u ukupnom iznosu od 30.000,00 KM, dok je Ministarstvo obezbijedilo preostalih 30.000,00 KM iz Budžeta Kantona Sarajevo za 2020. godine.


S tim u vezi, u narednim danima planirano je provođenje neophodne procedure u smislu dobijanja potrebnih saglasnosti za zaključivanje sporazuma sa UNDP-ijem, nakon čega će UNDP-i kao implementator Projekta provesti proceduru izbora izvođača radova, a shodno važećim procedurama i pravilima.

S poštovanjem,



MINISTAR

Edin Kapidžić, dipl.ing.arh.



Dostaviti:

☞ Naslov

- Stručna služba Vlade, ovdje (na znanje)
- a/a



web: <http://mpz.ks.gov.ba>  
e-mail: [mpz@mpz.ks.gov.ba](mailto:mpz@mpz.ks.gov.ba)  
Tel: + 387 (0) 33 562-029,  
Fax: + 387 (0) 33 562-031  
Sarajevo, Reisa Džemaludina Čauševića 1

